

畸

堂

摘

藁

簡堂摘藁卷之三

五言律詩

與子同過屠國望郎中宅留集次韻

傾蓋耶交歡江城月共看
春星流漢白暝樹度雲寒
坐語歌蓮漏行歌損藥欄
寧嫌一逢掖不省對王官

春夜包十八子同過宿旅舍同懷十五子
木

白鳥雲邊樹青山國外城
故人來信宿佳句見

生平月色懷嵇叔觴流覓士衡吳門花欲盡取

次買舟行

時予在水吳

別徐汝思

綠髮聲華早丹雲悵望深余傷時世態爾勗文
夫心去住悲聯璧飛騰有斷金五陵花滿眼還
照歆分襟

湖上月束張子文東

纖月林端起湖虛已自明稍涵朱剎動漸與碧
山清弦滿催愁過羈棲得世驚朗吟思吳爾望

迢隔春城

懷葛晦之家木芍藥并寄舊將諸子

世務嬰多病端憂厭百譁易消燕市酒不見葛
庭花衣製三春盡當杯幾朶斜定知期集數常
在水南涯

製雨衣也

獨愁

玄雲荒野盡白雪古城浮溟海開三嶠風煙攬
十洲誅求餘壁立祿食自身謀禹貢茫茫蹟憑
高送獨愁

肥城道中作

朝驂遠魯邑夕轡覽齊風人代悲涼後川原眺
望中山深行歆暝雲起坐還空萬國思霖雨應
瞻膚寸功

郡齋秋懷

農務千村畢高齋盡日清砌花停日緩島石過
雲輕簡帙存吾好游行見物情時聞拾遺穗未
覺遂群生

同蔡行人子木登高里山

香騎青林盡登臺翠甸新雲山存吏隱詞藻待
王人花日移亭午蘭風泛早春遲歸非戀賞貪
忝對清真

小坐

東子游田里龐公在鹿門風林開石室雲海淨
花村尊自三江有蘭從九畹繁向來踈懶意小
坐欲誰言

和東昌包推官元達酬皇甫膳部子安之
作二首

東郡蓬萊館南宮王樹標驥圖先別駕龍闕記
迴鑣山水官曹接雲霄地望遙愁邊覽雄賦陟
覺思飄颻

暫語傷麟地同懷振鷺群秘思晴賦雪幽興曉
攀雲壺寵文儒執衣添侍史薰退朝佳句就不
遣故人聞

三月晦日集王子忠園池

快壻却家郎名園顧辟疆衆芳三月盡乘鴈一
池方竹暗回棊局林香徙筆牀晚來森鬱處已

愜夏陰涼

憶往年雪中過承芳書帙火爐相對竟夕
親懿乖違忽茲三載對雪感述情見乎詞
城南千个竹知是辟疆園睡起風吹雪驚看客
到門對書開素昔炳燭異黃昏此日思吟絮能
同第妹論

寶應同縣尹訪朱子价不遇

縣郭看花入江亭問草玄子雲書自秘潘令賦
皆傳白馬湖風急清淮海月懸寧同刻中路寂

莫自回船

江北懷翁長卿

朱絃過齊俗不解聽希聲却釣清溪月臨流萬
古情我來楊子渡一望禦兒城時長卿授
經樵李會有
推經術匡生重漢庭

小第

江南才並出小第亦駸駸以我嬰玄綬寧親替
絲衣桂輪今夜滿棣萼幾時輝一鴈沙洲晚冥
冥只自飛

宿慈氏寺

慙以雲棲憇能令世慮忘多岐形欲弊一壑興
何長草露稀疏甲林霜罅栗房僧家理幽事渾
覺似江鄉

徐州屠國望兵憲席上三首

南國論文日嗟君最擅場十年持憲府往日尚
書郎星采雕龍帙霜清畫戟堂同游憶何佶流
譽獨朱方

末句懷包氏兄弟

衣冠王國舊榮戟憲臺清王几遺江縣冰壺澈

水城荒涼興霸地咸鑿濟時英今日投壺會登

壇愧主盟

徐故偃王霸地

少別如分劍重來愜聚星飛觴共弋鴈倚棹憶
流螢磊落千人傑生存九廟靈十年餘兩眼

炯炯為君青

屠君去年以謫言下詔徵賴聖明照察得不死

戴子以病不見奉柬

我行猶在野爾病未開門水署留冰雪山程過
石村別驚流火改道以斷金存應笑空南北漂
搖萬里魂

濠梁閔家叔病痊志喜

叔父貧仍在音書病已瘳游從阮巷數生與醉
鄉浮江水歸應得濠梁賞暫留因茲感蒙叟大
道養生求

憇包城寺臘月朔日

上日嘉平月中林靜慧門蓮花新法象草樹駐
征轅菊粲長生並蘭存不死根未能稽妙理暫
此釋勞煩

雪中過廬山東林寺

東林不二寺南嶽最高峰地是匡公隱溪傳惠
遠宗散花瓊作樹丹竈王為封寂寂千山暮難
窺靜者蹤

王山行臺壁間見包元達侍御李克諧考
功二同年詩次韻

日暮烏庭靜春風烏道斜幸休公吏謁何異野
人家竹箭團青藹椅桐羃緝花美人榮侍從詞
賦並凌霞

題姚大叅虛谷卷

傳君棲谷口一室坐生雲地迥栽花潤天空落
葉聞閉門漆園吏開卷太玄文應自聲聞遠還
隨鳴鶴群

次韻汝承見懷蕪東省中故人之作

余本尚奇節東求倉海君雲沙虛獨往煙嶠此
同分柳色遠春直花香似夕薰不知蓬省舊早
晚惠嘉聞

奉送劉右洲秋官使畢北還

使者出燕京乘秋氣歆橫蜚聲三輔迅報讞五

原平陽雁隨南下溟鯤送北征相知向十載今
日盡平生

英俊枚生並才華庶子賢虛成上林賦自謝鄴
都篇素靄留行劍黃花綴別筵因君過湖上為
報歲將淹

九月十日雨對酒

佳辰已行役細雨復離居幽意坐寥廓長風憑
掃除庭臨楮樹晚樽敞菊花餘小築吾將老行
藏且著書

浴仙池閣對月

重來琪樹館還挹桂輪輝
川烟潛珠動林開素練微
二毛嗟始見三匝竟何依
長奉清光夕無嫌露濕衣

登樓

絕迥曠無垠高樓解愴神
已盈莖草思更對菊
花辰極渚縈秦望
塞舟興越人霜風厲瓊樹願以寄交親

楊子在仙源宮遲之不至

旅思丹楓候愁懷白露新寒風起孟月春色遲
同人擊楫思凌汰鳴笳若近津仙源深幾許莫
斷阮郎塵

聞在菴砥齋二行省丹泉行臺同遊仙巖
恨不厠迹

蕭瑟訪蓬萊冷風興杳哉千巖驄馬出雙樹紫
微開棲霧聞遺蛻凌雲想鉅裁未緣陪妙躅延
慕獨徘徊

秋日過楊克實吏部

言尋蓬省吏還過草玄居
令聞裴王後清裁沈
鮑如溪雲飛捲幔澗水咽
循除未遣虞卿廢無
煩久著書

秋日過汪克有柱史南泉草堂

池水淨芳尊青山入短藩
竹林看是畫桃樹郎
為源家留柱下草盤薦楚人
蓀今日看時態知
君道氣存

鶴歸亭

丹壑訪茅君遺蹤闕白雲
竹陰流冉冉溪水去

云云無復鶴歸日空傳鴻寶文獨令耽寂意深
覺未離群

九日登署中古海榴層臺聊同陟嶽

陽旦啓晴暉秋光澹翠微石臺聊一上岩谷悵
多遠萸萸初含綠榴房已破緋秭憐湖上菊誰
插滿頭歸

贈八子詩八子從予游或合或離各申贈
述

夏仲亨感述

甯生歌石爛原子振金聲世路儒方賤風期道
自驚騫飛無急景遼廓軫秋情坐語伶俜夕令
予感昔英

程汝章秋夜

北軒海榴樹相對暫留歡歲月無時豫芳華異
昔觀寒星臨劒峴繁露把杯闌莫惜流連夜翻
令後者歎

翁懋安留別

相見葛溪春風光絢藻新不堪搖落候復是送

歸長鴻鴈同分背青雲待發身看君談理徹早
與道為隣

陳正甫來訪

官曹無簿領客至且尊壘不共白雲夕應虛黃
菊開難兄將小陸群從盛諸裴弘受慙金奏徒
言筵叩回

鄧師孔有懷

沙洲相送處念子溯流歸鴈後音猶隔雲停思
轉飛金丹歲方晏竹帛願寧違為語朝陽翰何

時覽德輝

花元表燕集

胄子美瓊瑰高門慶業培問竒侯氏篤侍客叔
慈才秩秩初筵日時時載酒來並游皆國俊聚
德忝昭回

陳中甫重來

徑隔青雲侶庭閒白露柯眷予三益望頻得二
難過散地忘羈束玄襟屢嘯歌空疎愧師席麗
澤庶鐫磨

汪子言溪館

邃閣枕通川郊壩勝寄偏石林開散帙灘溜荅
鳴絃世業餘清白家風蚤學玄靈光秋岸發知
為媚珠潛

流口廻舟東袁尹

岸折紆林岫霜清淺石沙灘聲住疊鼓谷響和
鳴笳雲近仙人舄星廻使者槎同心異簾舫徒
擬贈疎麻

送竹泉先生應貢北上

君王重稽古郡國復推才授易田何盛談詩匡
鼎來春雲黯征騎湖柳澹行杯為問侯芭棹何
時載酒廻

淮泗道中

延眺出煙中佳哉氣鬱葱檐帷霑麥雨踈道濯
槐風磬玉仍浮泗粉榆儼舊豐因逢說嚴祀陵
邑感無窮

曉行

客行無節候四月尚寒衣氣晚隨餘閨林陰薄

曙暉鄉心原樹亂春思野雲歸漸近京華道幽
巖願始違

送吳判官赴高唐州

郡閤臨官道天津下帝鄉挂帆潮水白弭節嶺
雲蒼列寺推才俊監州借署郎舊叨山水邑壤
接有輝光

送沙濱江曹長使荆楚

敕使揚帆去淮南便道歸興因巖桂發秋及塞
鴻飛水部詞難敵山公意不遠荆揚多故事吟

賞莫教稀

送王才伯年兄典教閩中

郡國昔同上師資今獨遙
還從驪唱夕坐悵鹿鳴朝
造俊推先達為郎忝具僚
遲君講德論宣布滿雲霄

重登泰山

山城曾試吏十載更登危
丘壑心期在年光髮髮衰
物情聊對酒習性尚耽詩
自是一聲叟支離似昔時

贈朱南川省長淮浦池亭

几閣俯通川秋林澹野泉誰言芳署地別有朗
洲天駐客淹浮白停舟問草玄未能忘利涉留
對爲君賢

射洪經陳子昂故居慨然興懷作

夫子昔玄覽林居几閣開寰中空逝水江上獨
高臺下馬一懷古乘軒誰念才西來萬里客歆
去更徘徊

黃州郭使君東亭燕集倂示篇詠

論交未恨晚式燕飲玄風維筭清供具荷蘭啓
篋中江山非漢日文賦是蘇翁應使千年後還
傷往跡同

中秋夕燕集劉別駕宅移坐前楹待月

浮杯露氣清徙坐傍簷楹異國今宵會同人隔
歲情燭花低舞綴觥令歇歌聲蟾兔輕雲裏何
辭待徹明

趨省謁諸公楊節推移酌舟中別後却寄
畏人初理楫司士復移尊一壑負微尚千山留

臨江集卷之三
晤言酒添浮蟻重歌損折楊繁漸得頽然意因
期靜者論

十六夜月

明月挂船頭煙空灝景浮地偏初退暑江淨迥
宜秋客伴烏棲樹人聽鴈度樓還應鑒虛薄金
剪未曾休

放舟

分城向巴峽終歲弄煙波地散閒非傲天倪醉
是和岸芳遙佐酒谷鳥自成歌即此是塵外平

生豈在多

九日舟中

扁舟逢今日自取一壺傾
幸謝十千市還嘉重
九名霜楓移野岸雲木隱孤城
萬事隨流轉無
煩采菊英

秋日郡倅劉君宅宴集時予將趨成都劉
自播州甫歸也

來去異朝朝萍蓬各自飄
我行秋日暮客至夜
郎逢南斗臨高會西園繼盛招
欲知難別意江

水聽迴橈

送劉別駕押送栢木赴京師

錫貢慎維藩先春下峽門
命才隨栢投器等盤根竹
送征帆去梅飄別筭繁天
街芳草遍此地憶王孫

郡圃亭子

偶來亭子上便愜丘中尋
書帙散公吏香爐清道心
醉便芳草細閒耐浴鷗深
却笑江潭老空為澤畔吟

江樓春望有懷京師舊游

江樓延眺處巫峽四回春草色連荒服煙波狎
外臣未康慙受牧無術羨垂緡獨有京華舊朝
朝清露塵

赴蜀過雩上有懷衡州蔡使君

日日候津吏何知已過家來趨內史舍去逐潁
川車風雨餘溪暗烟霜易水賒輜車滿通道寂
寞向三巴

送翁夢山憲使觀察河南二首

言辭蜀道險憑軾向中州共惜春前別還登江
上樓曉雲千騎擁芳樹一尊留去後知相憶封
題報灤頭

送遠復登臺歸懷不可裁江流吳楚去山色鄧
樊來二室經時到三花若箇開賦成懷古蹟還
為訪鄒枚

同程自邑汪子蘭宿集慶山房共用樓字
風塵十年別共卧北巖秋夜久寒侵榻山空雨
撼樓三乘君早悟一壑我何求待謝簪裾累長

陪宗少遊

送自邑還歙有序

霞城山人程自邑與予游舊矣別且十年遍訪名山有詩千餘首歸過錢唐復與予遇因同宿山中出其囊中箴示予予為之神懽既乃拂衣歸舊隱期以明年復來湖上抗手言別惜其去者皆為歌詩以贈之

五嶽游行遍揖予歸舊山篇章謝客渚舟楫呂

公灣繭素逾懷璧魚書遲報環春風湖巘碧處
處有躋攀

雨不止得真字同自邑山中作

零雨止還作中宵聽徹晨深山將急景落木更
迷津一鳥去何處雙峯辯未真棲心依靜域行
止信飄塵

霽後同程汪二子自北山泛小舟歸憇別
業分得舟字

鴻鴈滿沙頭煙光盪小舟川原吳地曉草樹宋

園秋嘯侶逢三益行歌薄四愁還隨入城市留
興遍滄洲

送施引之赴武試

說劍入燕關千金市馬鞍君王臨武觀郡國盛
材官出擬榆谿靜歸承杖賞權無令傳介子獨
請事樓蘭

送汪子歸新安有序

汪子蘊奇抱璞成業大學入京師將就
銓選已而浩然思歸八月觀濤浙江留

止父之仲冬雪後揖余西去謂自此將
棲巖穴不復求仕矣比部侯君首倡五
言以贈之余與汪子舊好也故篇末致
意焉

滄江歲云暮孤客遡流歸黔水寒雲滿吳山雨
雪霏孝廉公府辟詞賦吏情適莫便買山隱朋
來待振衣

林節婦詩

惠渥及良時恭承君子儀榮華一朝隕水雪百

年悲表里寧初願
甘荼信若飴一經
猶世業不愧下泉
期

容閒閣為楊水部作

草閣俯晴郊清秋望
自遙樹連吳苑夕洲
入海門潮地迫容疎
放人間賸獨謠寄言
稅駕者逋客許相招

送侯子之南都

知君湖上住不異永嘉
山復向金陵去遙窺王
殿閒稻花江渺渺桃葉
水潺潺六代餘文藻應

看緩步攀

題北野卷

遠迹向江郊
閑居意自超
地連川陸靜
天入莽蒼遙
斗極通宵望
軒車避夕囂
向來多野興
對爾益飄飄

送周山人還南都時山人居舍弟園池

竹下一相對
那知是別言
祇思建業水
非薄仲長園
暑雨紆琴軫
江煙淡墨痕
知君臨古帖
莫

向米家論

周君工書善
琴俱入精妙

人日同章大行謝山人集范憲長館得寒
字

邸第延佳賞條風解
近寒初筵過泛栢末契等
投蘭鳳藻春輝滿鶯花旅况寬還尋謝敷宅知
有谷名盤

送楊主簿之益陽

昔忝名山守同攀嶽頂雲揭來二十載京國再
逢君黃綬仍趨府青袍動出群湘蘭與沅芷相
憶採芳芬

題曾戶部乃翁榕所卷

徵君栖隱處榕蔭滿書臺北戶龍川暗西枝象
嶺開炎風吹不落溟海潤長培却憶滋蘭日清
芬漢署才

投跡

投跡忽自笑栖栖安所營三年遠好遯六月遠
于征湘水清初照吳峯望似縈未能匏繫者九
折見生平

上事後往梧州謁提督侍郎王敬所學憲

張三峯總戎劉平江閩師出餞江舫別後
却寄學憲年家兄

冠蓋離筵夜軍門上謁初吹喧清道騎歌仰泳
波魚畏瘴求方藥耽閒問簡書中和信可則之
予在汾隅

至梧州作

炎月復炎陞乘流逝若夷合符當世拙隨牒遠
方宜洞壑經行入岩英借問知詎湏廬與霍始
是賞心期

游湘山寺

木末恣攀緣香臺倚暮天石潭澄定慮山月照
棲禪下界三湘外愁心五嶺前瘴鄉歸未得此
地可窮年

陳儀曹見招再游湘山

儀曹名邦
全州人

竹逕盤空曲松亭上沆寥秋清諸觀寂境淨四
天遙大隱方延慕中林早見招晤言探杳妙鍾
暝未旋鑣

邾山書院作

萬壑清暉晚講堂開古岑不知人代異祇覺道
情深散帙唯山色鳴琴有澗音石泉遙可挹願
以薦餘欽

奉陪岑蒲谷憲使徐吾溪兵憲將雪窓宗
室之玄風圃明日雪窓蒲谷繼有高倡各
次原押二首

岩亭攀歷晚秋色滿高林竹密睢陽苑畦成漢
水陰每看題石處彌觸住山心未遂辭纓冕他

方愧盍簪

次雪
窓韻

名園繞近郭已覺遠塵囂石露下松葉溪雲生
藥苗亭臺延夕眺紉履遲春朝時聽村叟語欣
逢布六條

次蒲谷韻

宴蒲谷宅疊前韻

我公清靜理庭館晝無囂客至依嘉樹人懽詠
黍苗篇章裁正始偃息荷熙朝閒訊門前柳春
風到幾條

過雪窓新居論文別後奉東用前韻

精舍枕城坳居然絕市囂徑垂朱鳳實塲有白

駒苗暮齒諧棲隱崇牙忝聖朝還從詞圃秀

探討振餘條

梧岡大叅吾溪兵憲並枉和章再次奉柬

二君皆工
曹舊條

伊昔聯棲羽分飛復共林載歌鶯出谷深謝鶴
鳴陰莫以烟霞戀因悲物役心艱難急公望玄
髮詎投簪

未返林中駕青丘無世囂簞簞煙外人著蘋雨
中苗仲子嘉清曠東方傲市朝樵人吾與汝隨

意伐枚條

仲長統歌卜居清曠以樂志

聞叔夏卧疴經時寄懷二首

不見樟亭使愁心日夜孤維摩那反病予夏舊

常臞害馬徐應去馴漚近可呼焚香茶院靜吾

老伴潛夫

叔夏請告後常滿園默坐故有維摩之戲

傳聞重九日西郭自攀游驚嶺岩堯外鵠原悵

望秋客言思七發歸興比三休小閣他時雨春

風到上頭

叔夏依石厓為層閣窺窈窕清迥陳几外可容四五客余嘗宿其上中夜雨

作聲落岩谷間高下應和有序韻余因曰可名此聽雨閣他日吾歸老當為懸一榻至便下之

叔夏笑曰幸甚欲求姚唯之八分書題此三字
余既未得歸此意久落莫今聞其病歎假一幸
北行便道省之
以來春為期爾

輓曹處士

從來佳麗地市隱即壺天已畢尚平願如傳梅
福仙曉池鷗近席春水鶴隨船今日西湖上新
題處士阡

贈郭節推應召迎養

嚴駕趨丹禁褰帟望白雲采蘭方入詠視草歆
離群舞綵天機賜稱觴內酒分帝京迎侍好

知奉板輿勤

雲居新亭和廣平微字次韻

道流時與晤自遣世情違
已信本無有安知今
是非天光坐容與煙嶠轉
依微暝逐求羊輩還
循野徑歸

為楊見湖遙送孫甥入京應舉

獻賦入燕京春辭建業城
暫移璫樹植頻見桂
枝榮接羽隨鴻漸蜚聲和
鶴鳴天衢看奕奕惟
有郭家甥

山亭送王元采評事考績還留都分得微
字

鄉園來是客却指秣陵歸重惜故人別因嗟徒
侶稀法星占隱耀詩思歎玄微當宁竒文雅方
知俗吏非

同日送張子文大叅北上得歌字

昔送廬江去餘春子夜歌祗今芳草宴依舊落
花多蜀道同傾仄周行羨委佗須君迴世態勿
謂等江河

春日登蓮花峯頂和孟衛原憲長

飛蓋出清岑餘春泥賞心吸花浮湛澹看石歷
歌欽欵語芳猶桂高文擲比金何如登峴首終
日歎銷沉

暮春同衛原諸公泛湖至石屋時欲往煙
霞洞以雨不果各用時字

三月明湖上風光併在茲似從安石後復憶永
和時雨隔深巖興雲生近壑姿閨餘春退晚芳
樹待重披

次韻奉和冶山映江樓候潮不至作

樟亭古驛樓自昔古人游復有東曹舊相將南
陌頭觀壽信可樂繼谷詎能憂自是臨川意年
年感逝流

陳方伯純孝詩

顯允明廷幹由來孝德先心馳剖符日形斃結
廬年昔以寧親重今知報主專其棠將涉岵
竹素久同編

湖上雨中看桃花得支字

去年楊柳色風雨過令支今歲桃花發湖邊看
濯枝洗妝猶掩態窺鏡忽橫姿莫待晴方賞流
踪本末期

仰山為郡人周子俊作

青山看不厭企此山中人杖屨春常撰琴尊日
自親循陔芳草遍入戶綠槐新向曉瞻雲氣年
年覆大椿

友泉

五交日奔軼三徑久蓬榛獨有中冷意諧予太

古心清流隱高枕幽響入鳴琴寄謝悠悠者無
為甘醴沉

七月三日舟中作

雅子
醉日

燕南望吳越渺渺入秋煙浮棹淹歸興充問憶
去年掛冠吾覺晚持印爾應先圓月深閨夕來
看咲語妍

酬陳子全見寄次韻

有客懷千古悲歌每不羣聲名傾汴宋肝膽赴
燕雲南國題書到西湖放跡聞看花須一老共

策墨池勲

五言排律

題吳汝瑩大叅南岑別業

西湖仍選勝對此玉山岑
旦暮白雲色冬春芳樹林
巖花鮮水氣徑竹翠城陰
漁父來相過裘羊自可尋
謝安棋暫對公理釣虛沉
詎許煙霞癖應諧蒼鬱心
一尊聊暇日四海望為霖
他日平泉石來聽醉後吟

午日同汝承分得秋字

楚俗菖蒲節仙人龍虎丘過逢靈藥地徙倚拾
蘭州畫楫爭標度盧盤競采投辟邪親辦薦賜
食遠鴈鷗故里猶簪艾鄰園或放榴天風行始
妬霖雨候疑秋紈扇傳恩溼縈絲締意繆燕
吳棹驅外佳日倍離憂

五月七日汝承過池上消散竟日各限六
字

青莒初獻縷碧沼重持杯念此芳華晚憐君襟
素開竹窓餘菴藹花徑久莓苔洗耳聞奔瀨閑

心覺遠埃螢飛流宿火蛙響出餘灰非爾共幽
寂歸懷誰為裁

次韻和汝承山中見贈

昔予巖穴隱之子共幽尋雖抱匡君畧咸懷高
世心雲中凌噴薄車下感微吟且復淹青綬居
然戀碧岑十年遠下榻累日對芳林命駕應高
義徒慙叔夜琴

九月八日夜集得筵字

旅舍鳳城偏高齋儼企仙冷風下翩馭繁露敞

初筵野興方移菊遙情欲寄荃涼輝上弦後令
節把杯前帳席還瞻馬絃觴不避宜臺猶碣石
館歌郎郢人篇壁以連車合珠探照乘圓應悲
解携易坐待曜靈旋

送孟衛原赴山西右轄

公望紆分陝皇情軫近關揚鑣向并豫憑軾
覽河山上日薇花對歸程菊並班五原懸煦育
二室逗躋攀水鑑風塵隔篇章正始還愛才勤
引援多暇事修刪遙夜憐摘藻芳春憶秉簡壑

雲探杳杳湖月弄潺潺莫以離懷劇偏令酒興
慳幾時瞻曠宇何地接崇班赤狄經籌外青冥
步武間遲公旋授鉞來靖島夷艱

九月八日竹泉凌先生青門沈隱君夜集
聯句得筵字

露醕秋堂夜

凌

霜花帝里筵星河寒近戶

許歌

詠暗調絃客並安仁少沈人同子晉仙斲衣非

雪裏

許

複鳥是雲邊蘭氣言中靄沈藜光座外

懸割鮮嗤寘鮓

許

談藝媿登鱣玉潤驚連石凌

珠輝訝出淵坐看蟾兔沒
沈留賞莫言還

倚堂摘藁卷之四

七言律詩

春日鷄鳴寺閣望

北阜平臨隘九區神臯水木映清都煙花自與
諸天近文物遙看六代殊望裏宮雲通窳窳誰
家鳳吹逆縈紆觀游忽憶春湖色草閣纖桃開
有無

登覆舟山眺都城東來太子禹包十八子
同

石壁參差雉影開層城烟霧接崔嵬川原盡抱
黃圖出氣色遙通紫極回康佐選時唯逝水野
人懷舊獨登臺兩都翹首誰能賦羨爾班張絕
世才

留別駱質夫

金山夙昔興王地玉節從來許國身送我正逢
三月暮掉頭不見五陵春城隅立馬林花落水
上行舟海樹新鄉土帝城俱信美角巾仙棹
且風塵

南都阻雪

帝城積雪素光流
弄日迴風未擬收
江水客心添浩蕩
梅花山檻恣淹留
林輝已覺青陽逼
苑霽還看白玉浮
來歲於茲占氣候
道傍車馬莫深憂

應

制秋日寫懷

閣試用
明字

至禁天高四望清
去雲歸鴈倍分明
未央霜葉催丹樹
仙掌霞標見紫莖
揮翰幸逢多暇日
矢歌應繫萬方情
皇仁遂物諧金德
內苑先看

歲績成

聖駕侍宴清寧宮詩

閏試用
來字

東苑雲霞曉並開
慈宮秋豫六龍陪
珠簾不
動坤儀正玉城
遲看日馭回
魯國徒聞歌燕喜
周巡莫更詫仙杯
懸知輦道花饒笑
日見
君
王問寢來

至日泰山郡行慶賀禮

郡國茲辰拱
帝京爐煙初奉曉
班清齊雲似
接三台色
岱嶽如傳萬壽聲
翠巘龍旂頻望幸

璿臺鳳律早先鳴
小臣候暖瞻華蓋
佳氣應隨玉琯生

新泰縣懷古

縣城鬱對萬峰開
漢帝求仙尚有臺
海上神山元縹緲
天中甲觀自蒿萊
雲移石室寒瑤草
雪霽風林散落梅
轍迹已隨冰壑斷
似聞黃竹助興哀

岱宗

岱宗肅肅標東望
絕頂人傳不死庭
往代金繩

封自閼何年玉帳樹猶青
宵中日采輝輝見洞口
雲流瑟瑟聽勝槩千齡
聊振袂不須霑灑歎
沉冥

贈褚臨胸

北風紫顙狐白裘海縣煙霜入
帝州我亦山城驅五馬與君
大道繫雙騮久知茂宰循如漢
况覩明堂治比周藻翰承家元
未泯還看接武在瀛洲

乘月泛淮流而東引觴孤斟有懷蔡行人

子木二首

行人緩節照芳顏我昔參差出漢關丹鳳城南
留對雨青陽門外遲登山江湖文藻回瞻際淮
海風雲頽洞間朱瑟此時悽鶴調玉珂何日綴
鵷班

渺渺長淮萬古流還看楚客望吳洲春風一醉
蓮華頂八月應攀天柱游銀漢能忘瞻奉使王
壺幸不廢為州知君盡室移書畫雪後須迎米
氏舟

寄徐承芳

伍公祠下吳峰曲竹裏新開孺子亭
花徑祇通雙短屐
郊齋唯對一遺經
此時見月殊方色
夢爾群山故國青
蘆葉鴈聲推枕坐
江南江北水冥冥

寄李僊卿

與子同棲石嶺雲
祇今誰共眺氛氲
願聽賞事寬爲吏
不見篇章動出群
舟楫冥冥楓欲下
雲沙日日鴈虛聞
淮南八月開芳樹
何處遙堪寄

憶君

山中柬友人

招提境迥寡相聞
十日期君不見君
南郭自甘終隱几
西河應是久離群
肯依修竹山中塢
祇隔荷花水上雲
才似茂陵仍病廢
何時草就太玄文

張秋顯惠宮

臨流輝赫敞丹宮
帝遣祠官徧禮崇
疊石平分東嶽秀
高臺剩壓九河雄
地疑秦時金牛異

隄即宣房白馬功
聖主千齡乘土王
靈祇萬里靜皇風

曉經鳳陽道中作

河山曉日影瞳眈
草樹冬天氣鬱蔥
地拱中屯龍虎衛
雲來常繞鳳凰宮
農功信美如豳國
猛士猶思在沛中
今日三都誰擬賦
祇應麗藻謝玄風

同劉後齋曹長謝少溪侍御登滕王閣

暇日無方銷客愁
興臨流水眺芳洲
言陪真長

丹陽郭還對玄暉疊嶂樓俯挾清江通漢沔遠
開長薄帶吳丘無勞重感繁華子南浦飛雲迥
自浮

夜燕少溪侍御院中一首

昔典名山卧白雲蓮華峰下記逢君祗慚下里
歌頻和詎謂西江楊屢分院肅清陰依栢樹座
聞妙理似蘭薰共看牛斗華尊對還待宵中候
紫氛

上清宮和汝承

清溪樹外羽人宮員嶠方壺在域中丹竈雲標
餘漢刼石橋海上與秦通松間舊識郎官履花
下應迷使者驄為有相如大人賦飄飄吾意欲
凌風

奉酬蘇君見贈

蘭臺奕奕內朝賢素筆誰先班孟堅墨綬望風
曾避馬青衿講日想登鱣著書歆秘名山盡摘
藻還因靈境傳慚愧仲容為傲吏薦章應是故
人憐

九日弋陽道中懷楊子

九日煙霏向曉開
四山雲氣拂輿迴
行披翠壑同登巘
欲采黃花當舉杯
征路非無潘令賦
憑高思見大夫才
稔知滕閣延佳賞
摘藻還應爛熳回

雨中登張真君鶴歸亭兼懷丹泉子

巖深樹密幾千重
雨逕還探靜者蹤
綠隊花間聞駐鶴
青茅酒肆畏成龍
並巖竹笋脩脩長
中壑芝榮處處逢
忽憶故人遙暫賞
題詩空滿白

雲封

首夏感述

高齋長夏兩年留豈愛仙人洞壑幽
雨外山峰通憶遠煙中樹色借銷憂
深林寂寂花還落灌木陰陰鳥自求
一室便堪聞靜理野人何以戀華輶

得叔夏第書并致江上見懷之作賦此寄
憶

九日開曹閉白雲庭開桂樹散清芬
茱萸寄遠

天邊到鴻鴈蜚聲日下聞江上愁心工入賦楚
人芳草易離群西來不斷青山色知向河陽舍
外分

茅太史席送廬州張使君得年字

詞林張具是離筵五馬喧嘶大道前
燭留歌淹子夜分符奉使屬丁年
宵聽鈴索花間雨曉
矚香爐樹裏煙才子自宜山水郡
知開簾閣白雲邊

酬蔡郎中子木見寄之作

巴江東望楚天長
揚部烟花隔混茫
猿嘯自經三峽處
鶯啼偏記伍林鄉
省中春興題紅藥
江上離居怨碧芳
莫訝爲郎恒不調
知君雅素薄淮陽

寄王維楨戶曹兼柬子木

含香早歲承三殿
獻賦蜚聲在兩都
霞裏郡城題字滿
烟中島嶼寄情孤
祗知公讌陪王粲
未
有清言勝蔡謨
吏道于今江徼遠
翩翩羨爾府中趨

聞謝應午司直謫官台州

謫宦堪驚謝領軍
天台遙映敬亭雲
燈前白髮應如我
舍外青山好夢君
花近東朝迷曉仗
霞飛南紀駐春文
欲知峽裏相思意
遣寄猿聲不可聞

春日郊圻即事因寄舍弟

豈知芳草對天涯
翠壁晴雲引眺賒
道愧理人循野畷
興牽啼鳥到仙家
溪邊驚楫隨蘭葉
石上移尊掃竹花
獨有惠連蓬省裏
兢將詞賦答

春華

登高唐觀東楊推官

一上高臺萬古情
窓中歷歷楚山橫
烟峯對似低帷席
江水看疑入縣城
別浦何人傷解佩
晴雲欲候駐吹笙
晚來風起青蘋末
祇待楊雄擬賦成

別孫季泉中允

還隨計吏闕庭歸
芝苑名賢悵獨違
曙色漸隨雙旆啓
春情猶傍五雲飛
東朝候講知鳴玉

左順持書意着緋題句若思江國守巴山不道
鴈來稀

題葉中舍柳亭次宮保甘公韻

春風春柳滿郊垌轉憶江南江上亭旭日自臨
鶯谷樹年光信轉鳳池萍芳菲慣向樓前見攀
折那教笛裏聽最是金門堪大隱不須移告北
山靈

奉和侍御袁公謁陸宣公祠次韻

荒祠寂歷俯通川按節遙懷異代賢霜簡晝飛

心併赤雲林晴賞思猶玄窮閭已布陽和邇斷
碣還嗟歲月綿不遣沉冥同峴首丹厓新記大
明年

寄題霍將軍西湖別業

湖上春雲接帝居檻前流水入天渠千花夾道
趨鵷列萬柳分營出隼旟射處曾穿岩畔石別
來常憶架頭書山林處處牽予興第五橋邊意
有餘

癸丑閏三月余將入粵社中諸君枉集於

隋堂分韻得殘字

茅堂依約枕湖干，閨月尋花未遽殘。
上客來過紫騮馬，山人自製竹皮冠。
芳池坐映瓊枝細，小逕回攀桂樹團。
乞得篇章在行李，暫持誇向粵人看。

贈馬亦峰錄事

泰山七十二峯連，秀出夫容倒影懸。
我昔常攀窺海日，君從第幾躡空煙。
春天樹色開秦望，夜火封中見肅然。
安得重携舊朋好，玉壺傾酒嶽

祠前

府江雨泊得鹿門子書

扁舟不憚惡溪居為是文淵用鉞餘蠻府戈船
來護宿轡軒使者到傳書茶畦篠逕祇頻過柳
峽藤川信獨如見說百憂緣直道不知嵇叔老
還踈

和楊水田兵憲白髮有感

知君把鏡惜年華賦就新篇足怨嗟自是潘生
悲騎省詎令班叔老龍沙秋來放並丹楓落醉

後從教白恰斜已見聲威軍府盛黑頭何必羨
還家

甲寅正月十三夜兩省共集張總戎宅與
梧岡敬所分韻得生字

天時人意太歡生卽第纓綏慶合并九畹蘭風
纔汎汎五枝燈焰已盈盈春情自夢茶香塢夜
色空憐桂樹城共是揚州東部客海壖華月詭
吹笙

十五夜總府看放煙火次敬所韻

舞僮綠飾是編諸甲士謹呼滿寄廬邊地山棚
看火馬舊京水戲出龍魚劉總戎南都人客情自放
杯送物候偏令麗藻舒今夜天都最堪憶月華
高擁化人居

瞻雲愛日卷為傳近山侍御作

恩波未着老萊衣持橐朝朝侍禁闈極浦晴雲
連迥眺高齋晝日靄餘暉坐看列栢心應似言
采芳蘭願詎違萬石由來重臣節白頭休沐有
光輝

題劉總戎賓松軒

芳春草樹映郊園獨與長松共北軒
戶外生雲留拂劒枝間駐月待浮尊
南曹處士應同調東國將軍自不言
我已頗孤三徑約報書欲問幾株存

寄徐承芳妹婿 時為南雄保昌縣丞

越王臺北梅應早諸葛祠前草欲蕪
况是懿親連五管同懷獻壽望三吳
世情已與林園杳幽興還堪簿領無
遙想吏人呈署散寒流灑灑遶

庭隅

登湘山亭子有懷符王二君子松蘿叢所

天末孤亭獨上時情多擬賦四愁詩不堪鴻鴈
稀南服況是風煙暗北垂海上書來猶避愁林
中藥長欲尋師從君便向天台去何處巖中可
翳芝

九月廿八日遼西道中遇雪寄遠

南中每道輕離別塞上誰堪晚歲年忽見素霰
霏菊後未裁錦字到梅邊令支縣古關雲斷羅

剡江清海樹懸無意義
他飛食肉花時只待擁
車旋

九日吳山餞馮小海憲副入楚得邊字

佳辰絕巘異風煙送遠
兼陪泛菊筵錦樹晴雲
澄海縣芳蘭露氣到湘
川摘詞最忝雕龍後飛
思遙看落鴈邊不假清
霜隨斧鉞從來江漢化
常先

再賦奉贈兼柬邵甘澤藩伯

按行南楚自離群應記
龍山榻屢分大傳祠前

春欲暮花翁宅畔酒初醺
吾衰舊服求荷芟世
難纓冠待惠文寄語同心
薇省客願偕元凱致
華勛

秋晚同祝員外張貢士翁廣平釋良縉登
雲居新亭得魚字

城上孤亭騁望初遠空秋水入清虛
川原坐俯
提封外樓櫓悲看戰伐餘處世詎須方木鴈買
丘終擬注蟲魚留君松巘移時對二月芳林未
擬如

恩榮雙壽為李五華僉憲作

朝恩錫誥滿龍光里舍承歡是
帝鄉漢上賓
游過德操仙家夫婦駐劉綱春霞欲妬宮衣色
露萼常添壽學芳最羨寧親先令聞詞人競補
白華章

春日巨石園亭宴集憲長孟公首倡見投
次韻奉和

聽鶯看竹未辭煩書札寧須抵巨源勝日更逢
新雨霽人生耐隔幾涼暄

奉達孟公
近十年矣

亭虛欲引

湖山盡境迥翻聞海市喧
剩邇霜威忘局束為
投麗藻比春溫

白鹿詩

霜毳聯翩入 帝京甦甦
壤觀映西清瑞圖自
昔聞軒后繁祉于茲
貺 聖明侔色已知金
氣應降精遙散王衡
英千年却咲標元符
今日方宜示勒成

昌圖盛治定誰譁天
遣元臣靖海艦欲以
賜烏同 帝筭先看
瑞鹿見仙家食華再
入佳賓詠

夾轂曾隨使者車從此南方歌匪棘詎煩召伯
久淮涯

會同年於瑞石巖次白石年兄韻

中谷亭虛晚共尋遠襟脩竹對蕭森非才誤忝
冠裳會漸老慚窺翰墨林移坐山風時自引洗
尊江月烟初臨知音獨有中郎妙短笛先成吳
會吟

躡屩相隨起力田晨趨建禮憶初年四遐自遣
遶清燕一壑那知對綺筵坐看蒼筠經歲茂行

巡碧樹寄情偏小丘欲比迷方陋願示同躋泰
華顛

送祝九山

芳筵小對習家池悵別何嫌倒接羅白社方招
元亮入秋風自動季鷹思掛帆橘柚霜前熟返
棹芝蘭日向滋二月風光待同賞桃花湖水似
前期

送汀州陳使君北上赴調時乃第兵憲同
行

文史閒朝共討論彤幃歲晚忽飛翻
詔恩自惜張京兆薦草仍逢山巨源
水國風謠留鼓枻塞門月色傍行軒
鴈行羨爾聯翩盡並待春風六羽騫

送陳抑亭憲副服闋赴部

三年同軫蓼莪情遙夜空山幾月明
此去自應專報主徐行兼得遠從兄
霜寒橘柚過吳苑雪霽雲山望薊城
故舊如逢問嵇叔為言疎懶似生平

同蔡白石叅知燕李北山符卿宅得榴字
符璽終朝侍 冕旒才名早歲滿瀛洲言陪東
國文章彥共對西清几閣幽徙坐不教炎氣入
浮杯併借月光流夜歸未覺清言盡餘興還來
看梅榴

贈高養和

十載修方 闕下居刀圭能愈渴相如邯鄲內
舍知新號元里公乘授禁書坐語常移松蔭晚
相逢應記槿花初共將徇祿知何地黃綬看君

大府趨

送泉心先生教授 楚府

新垂朱紱事遄征
遠水浮舟泝月明
吳地到逢萸菊候
湘臯坐引芷蘭情
懸知置酒延枚叟
祇以明詩重穆生
親懿無如從事舊
贈章遙待報同聲

贈王東圃

老夫樗散畏乘軒
擬就寬閑學灌園
之子先開三畝勝
向予常誦九家言
青冥曉斲雲隨錘
白

墮春沽月在門世難逢人思避地不知何處有

桃源

藝文志有
裴九家言

寄郎草橋次韻

隱迹應同古少連漫游高論劇河懸朝吟吳岫
千尋雪暝踏湖橋十里煙坐擁圖書時莞爾庭
惟松竹自悠然南行每日思南郭興在方池朗
月前

九日漳州開元寺登高次邵甘澤憲副韻
九日憑高望九秋同人濟險慰同舟似聞橫海

收新伐擬乞明湖訪昔將菊蕊未逢那寄遠
更欲插迥關愁廣平籍籍頻招隱歸去應看共
白頭

送黎松坡閩帥赴尚書幕府兼柬徐見山
隱君

詔書新下獎元勲幕府仍看請護軍組練朝疑
吳地雪油幢晝引粵溪雲經冬碧樹工留客遶
含青山助憶君寄語南州徐穉道待予歸伴老
松筠